

## Büchlich's Rechenbüchlein.

solchem Product nimb auch 9. so offte du  
-kanst / was bleibt / setz zur Rechten ans Creuz /  
desgleichen wirff auch 9. von den vntersten  
Zahlen / was bleibt setz zur lincken ans Creuz /  
so nun die zwo Zahlen linck vnd recht einander  
gleich / hast du im multipliciern recht operiert /  
wie dan vorgehende Exempel außweisen.

## Diuisio.

Diuidiern heist abthellen / lehre ein Zahl  
in die ander theilen / damit man wisse / wie offte  
eine inn die ander beschloffen werde / oder wie  
viel auff einen Theil kommen / Werden dero  
halben bey dem Diuidiern zwo Zahlen ge-  
brauchet / eine welche man theilen wil / die an-  
der / welche darein getheilt werden soll / der  
Theiler genandt / was aber durch den Thei-  
ler / von der obern Zahl heraus getrieben oder  
getheilt wirdt / heist der quotient / zeigt an / was  
jedem gebürt / oder dir sonst hter durch zuwissen  
von nöthen / Es concurrirn vnd lauffen aber  
bey dem Diuidiern die zwo Species mit ein-  
ander /